

**ЖАМБЫЛ ОБЛЫСЫ
ӘКІМДІГІНІҢ
ТАБИҒИ РЕСУРСТАР
ЖӘНЕ ТАБИҒАТ ПАЙДАЛАНУДЫ
РЕТТЕУ БАСҚАРМАСЫ**



**УПРАВЛЕНИЕ ПРИРОДНЫХ
РЕСУРСОВ И РЕГУЛИРОВАНИЯ
ПРИРОДОПОЛЬЗОВАНИЯ
АКИМАТА
ЖАМБЫЛСКОЙ ОБЛАСТИ**

080012, Тараз қаласы, Абай даңғылы, 133 а
тел.: 8 (7262) 45-15-03, факс: 8 (7262) 43-67-87
e-mail: upr.taraz@zhambyl.gov.kz

080012, город Тараз, проспект Абая, 133 а
тел.: 8 (7262) 45-15-03, факс: 8 (7262) 43-67-87
e-mail: upr.taraz@zhambyl.gov.kz

19.11.2018 ж № 2-2642

**«Қоршаған ортаны қорғаудың
ақпараттық-талдау орталығы»
шаруашылық жүргізу
құқығындағы республикалық
мемлекеттік кәсіпорны
Бас директордың орынбасары
С. Жүнісовке**

*2018 жылғы 22 қазандағы
№ 04-2-17/694 хатқа*

«Қазақстан экологиясы» республикалық мамандандырылған газетіне,
сондай-ақ, ecogofond.kz «Бірыңғай экологиялық интернет ресурсына»
басқарма тарапынан жіберілетін ақпараттық материалдарды
жариялауларыңызды сұраймыз.

Қосымша: 10 парақта.

**Басқарма басшысы
орынбасарының міндетін атқарушы**

Ғ.Шыршынбаев

*Орын: Б. Ахтанберді
Тел: 43-67-87*

002279

**Жамбыл облысы әкімдігінің табиғи ресурстар және табиғат
пайдалануды реттеу басқармасының 2018 жылдың
9 айында атқарылған жұмыстар**

Орман шаруашылығы саласы

Бүгінгі таңда басқарманың өңірдегі ормандарды қорғау, олардың қорын молайту және жаңадан орман өсіру шараларымен 14 орман шаруашылығы мекемелері мен «Мамандандырылған жануарлар дүниесін қорғау» мекемесі айналысады.

Қазіргі таңда орман қорының жалпы аумағы 4,4 млн. гектарды құрайды. Оның орманды жерлері 2,3 млн. гектар (1,1 млн. га сексеуілді, 1,2 млн га өзге ағаштар). Жалпы орман қоры жерлері облыс аумағының 30,8 пайызын құрайды.

2018 жылы жергілікті бюджеттен ормандарды күзету, қорғау, молықтыру іс-шаралары жұмыстарына 71,4 млн.теңге бөлінді.

Орман өрттері бойынша

Табиғат өртінің жылдам таралуына тосқауыл қою мақсатында орман қоры аумағында өртке қарсы бұрынғы жылдары жасалынған 9000 шақырым минералды жолақтарға күтіп-баптау жұмыстары жүргізілді.

Орман шаруашылығы мекемелерінің материалды-техникалық базасы нормативке сай 2018 жылдың қаңтар айына 41,6 пайызды құраған болса, осы жылы облыс әкімінің қолдауымен бөлінген 234,0 млн. теңгеге алынған техникалардың есебінен 52,5 пайызды құрады.

Ормандарды молықтыру және орман өсіру

Орман қоры аумағына сексеуіл және тағы басқа орман көшеттері 1800 гектарға орман ағаштары отырғызылды. Күзде 3500 гектар аумаққа сексеуіл екпелерін тұқымдары арқылы себу жұмыстары жүргізіледі.

Басқарманың бастамасымен сексеуілді тұқымынан себу көлемін азайтып, көшетімен өсіру жұмыстарына бірте-бірте ауыстырыла бастады. 2018 жылы 1800 гектарға егілді. Алдағы жылдары көшетімен егілетін екпе көлемдерін 3000-5000 га дейін жеткізу жоспарланып отыр.

2018 жылы елді мекендер айналасынан жасыл аймақтар құру жоспарланып, Тараз қаласы мен аудандарда 315 гектар аумаққа «жасыл белдеулер» жасалынды.

Су шаруашылығы саласы

«Талас-Аса» коммуналдық мемлекеттік кәсіпорны арқылы коммуналдық меншіктегі су шаруашылығы нысандарында ағымдағы

жөндеу жұмыстарын және механикалық тазалау жұмыстарын жүргізу жоспарлануда.

Аталған жұмыстарды жүргізуге Кәсіпорынның теңгеріміне арнайы техникалар алуға облыстық бюджеттен 693,6 млн. теңге бөлінді, оның ішінде 440,4 млн. теңгеге 14 бірлік арнайы құрылыс және 253,2 млн. теңгеге 32 ауыл шаруашылығы техникалары алынады.

Облыстың жалпы 86,0 мың гектар суармалы жерін қамтитын 758 ирригациялық жүйелерін қалпына келтіру үшін республикалық меншікке 2015 жылдан бастап 369 канал өткізілді, қалған 348 иесіз нысандар 2018-2019 жылдары жоспарға сәйкес өткізіледі.

Облыстан 80 нысан «2017-2020 жылдарға арналған тасқын су қаупін жою және алдын алу шаралар кешені» Жол картасына енгізілді.

Оның ішінде облыстың елді мекендерін топан судан сақтау және еріген қар суынан болатын тасқын қаупінің алдын алу мақсатында 33 нысан енгізілді (7,4 млрд. теңгеге 3 нысан республикалық бюджет есебінен, 356,2 млн. теңгеге 30 нысан жергілікті бюджет есебінен).

Іс-шара жоспарына сәйкес жергілікті бюджеттен бөлінген 227,9 млн. теңгеге 2017-2018 жылдары белгіленген 16 нысан бойынша жұмыстар толығымен аяқталды.

Сонымен қатар, Жол картасына жалпы сомасы 471,2 млн. теңгені құрайтын тасқын суларды жинақтау, сақтау және тарату бойынша 47 нысан енгізілген. Оның ішінде 2017 жылға (I-кезеңге) жалпы құны 257,9 млн. теңгеге 22 нысан ағымдағы жөндеуден өтті.

2018 жылғы 213,3 млн. теңгеге 25 нысанға сметалық құжаттар дайындалып бюджеттік өтінім берілді.

Табиғатты қорғау саласы

Облыс әкімінің төрағалығымен 2018 жылғы 28 наурыздағы кеңесінің №39г хаттамасындағы тапсырмаларын орындау мақсатында аудан, қала аумағындағы елді мекендерде орналасқан қатты тұрмыстық қалдықтар тастайтын орындарының (полигондардың) жағдайына талдау жүргізілді. Нәтижесінде, 8 елді мекенде қатты тұрмыстық қалдықтарды орналастыруға арналған 121 полигондары және қарапайым орындары санитарлық және экологиялық стандарттарға және құрылыс нормаларына сәйкес келмейді, қоршауы жоқ (Жуалы ауданы – 8, Меркі – 9, Т.Рысқұлов – 19, Сарысу – 22, Қордай – 22, Мойынқұм – 21, Талас – 3,

Шу - 17), қалдықтардың түрлері бойынша жоспарлау, тіркеу және сұрыптау жүргізілмейді.

Қатты тұрмыстық қалдықтарды орналастыруға арналған полигондар мен қоқыс төгу орындарына берілген 19 жер учаске бойынша Қазақстан Республикасы Жер кодексіне сәйкес құжаттары рәсімделмеген (*Жуалы - 1, Меркі – 8, Қордай - 4, Талас - 3, Сарысу -3*).

Тұрмыстық қатты қалдықтарды жинау және тасымалдаумен айналысатын кәсіпорындардың жай-күйі негізінен қанағаттанарлық емес және арнайы техника жеткіліксіз.

Қазақстан Республикасы Президентінің 2018 жылғы 10 қаңтардағы «Төртінші өнеркәсіптік революция жағдайындағы дамудың жаңа мүмкіндіктері» атты Қазақстан халқына Жолдауын іске асыру 2018-2022 жылдары Жамбыл облысында шағын және орта бизнес субъектілерін кеңінен тарта отырып тұрмыстық қатты қалдықтарды заман талабына сай кәдеге жарату және өңдеу бойынша шаралар кешені (облыс әкімдігінің 28 тамыздағы 2018 жылғы №160 қаулысы) бекітіледі. Жоспарға сәйкес жұмыстар атқарылатын болады.

Жобада тұрмыстық қалдықтарды бөлек жинауды, сұрыптауды енгізу, қалдықтарды орналастыратын орындарын және полигондарды қалпына келтіру, жаңа полигондарды салу, қалдықтарды өңдейтін зауыттың құрылысын салу шаралар көзделген.

Табиғат пайдаланушылардың қоршаған ортаға тасталатын зиянды заттардың рұқсат берілетін нормативтерін сақтауына тұрақты түрде зертханалық бақылау жүргізілуде. Бұл бағытта арнайы құралдармен жабдықталған зертхана және «Газель» автокөлігі базасында жылжымалы зертхана жұмыс істейді. Жылжымалы зертхананың көмегімен атмосфералық ауадан, судан сынамалар алынып, жергілікті жерде шұғыл зерттеу жұмыстары жүргізілуде.

Бүгінгі күні 2006 жылы пайдалануға берілген жылжымалы зертхананың тозығы жетті. Осыны ескере отырып, облыста пайдалану үшін заманауи зертханалық құралдармен жабдықталған мобильді жылжымалы зертхана алуға қаражат бөлініп, сатып алу бойынша мемлекеттік сатып алу процедурасы жүргізілуде.

2016 жылы облыстық прокуратураның радиациялық қауіпсіздік жағдайлары бойынша бұзушылықтарды жою туралы ұсынысы және облыс әкімінің орынбасары төрағалығымен өткен селекторлық кеңес хаттамасымен берілген тапсырмаларды орындау мақсатында,

Мойынқұм ауданындағы «Батыс», «Шығыс» және Қордай ауданындағы «Курдай» уран кеніштеріндегі рекультивация жасалынған аумақтарына комиссия құру (Жамбыл облысының тұтынушылардың құқықтарын қорғау және Жамбыл облысы бойынша Экология департаменттерінің өкілдері, аудан әкімдіктерінің өкілдері) арқылы радиологиялық зерттеулер мен тексеру жұмыстары жүргізілді.

Аталған аудандарда рекультивация жасалынған аумақтардың жағдайы бойынша дефектік актілеріне сәйкес барлық кеніштер бойынша қоршауы бұзылған, радиациялық қауіп-қатер туралы ескерту белгілері жоқ (Мойынқұм ауданы бойынша 8 учаскелер және Қордай ауданында 11 учаскелер).

Осыған орай, облыс тұрғындардың радиациялық қауіпсіздігін қамтамасыз ету үшін 2016 жылы уран кеніштеріндегі рекультивация жасалынған объектілерінде қоршауларды қалпына келтіру және қауіп-қатер туралы ескерту белгілерін орнату үшін жұмыс жобасы әзірленді. 2018 жылы уран кеніштеріндегі рекультивация жасалынған объектілерінде қоршауларды қалпына келтіру және қауіп-қатер туралы ескерту белгілерін орнату үшін 91,5 млн.теңгеге бюджеттік өтінім қаралуда.

Жамбыл облысының ең күрделі мәселелерінің бірі Тараз қаласының ағынды суды тазарту бойынша кешен құрылысының жоқтығы. Сол маңайда орналасқан Жамбыл ауданының елді мекендердің ауыз суына зиянды әсерін тигізіп, ауылшаруашылығы жерлерінің бүлінуіне әкелетіні белгілі.

Осыған байланысты, ағынды суларды толық биологиялық тазартудан өткізу және апатты жағдайдың алдын алу мақсатында ағымдағы жылы тазарту кешен құрылысына техникалық экономикалық негіздесмесін әзірлеуге «Водоканал-консалтинг, инжиниринг» ЖШС-мен мемлекеттік сатып алу туралы 17,5 млн.теңгеге шарт жасалынды. Жоба ағымдағы жылдың желтоқсан айында аяқталады деп жоспарлануда.

Жер қойнауын пайдалану саласы

2018 жылы кең таралған пайдалы қазбалар бойынша 143 жер қойнауын пайдалану келісім-шарттары тіркелген. Республикалық маңызды объектілер саны- 45.

Облыс әкімінің 2018 жылғы 29 наурыздағы №39 хаттамалық тапсырмасын орындау мақсатында Жамбыл облысында жер қойнауын пайдалану саласына мониторинг жүргізуді және бақылауды қамтамасыз

ету жөніндегі мемлекеттік органдармен бірлесіп атқарылатын іс-шаралар жоспары бекітілді. Аталған Жоспарға сәйкес кең таралған пайдалы қазбалар объектілері бойынша 2018 жылы келісім-шарт міндеттемелерінің орындалмауына байланысты жер қойнауын пайдаланушыларға бұзылымдарды (қаржылық, әлеуметтік сала, қазақстандық кадрды оқыту, өндіру және т.б.) жою туралы 106 ескерту хабарламалары жолданды. Нәтижесінде, келісімшарт міндеттемелері мен талаптарын мүлдем орындамаған 6 келісімшарт бұзылды.

Сонымен қатар, жер қойнауын пайдаланушылардың өндіру жұмыстарын өз келісімшарттық аумақтары шегінде жүргізгендеріне мониторинг жасау үшін және заңсыз пайдалы қазбаларды өндіру фактілерін анықтау мақсатында «Қазақстан Ғарыш сапары» мекемесімен шарт жасалды (15 млн.тенге). Нәтижесінде қолданыстағы жер қойнауын пайдаланушылардың өндіру жұмыстарының тиісінше орындалуына қатаң бақылау жүргізіліп және заңсыз өндірулерге тез арада шаралар қолданылатын болады.

Жануарлар дүниесі және балық шаруашылығы саласы

Бүгінде Жамбыл облысы аумағындағы 48 аңшылық алқаптың 46-ы табиғат пайдаланушыларға бекітіліп берілген.

Қасақылықпен күрес бойынша 2018 жылы 361 рейдтер мен тексерулер жүргізіліп, табиғат қорғау заңдарының талаптарын бұзғандарға барлығы 87 хаттама толтырылды. 60 заң бұзушыға 829,4 мың теңге айыппұл салынды, өндірілген айыппұл 613,1 мың тенге.

Жамбыл облысы әкімдігінің қаулысымен жергілікті маңызы бар балық шаруашылығы су айдындарының тізбесіне 115 балық шаруашылығы су айдындары енгізіліп оның, 107 табиғат пайдаланушыларға бекітіліп берілді.

Жалпы облыстағы мемлекеттік қызметтегі, квазимемлекеттік сектордағы лауазым иелері, кәсіпкерлер, қоғамдық ұйымдар мен белсенділер Жамбыл облысының жануарлар дүниесін, табиғатын сақтау және көбейту декларациясы қабылдады. Оны қолдауға елді мекендердегі аң, құс, балық аулаумен әуестенетін тұрғындарды іске асыруға шақырып отыр.

Жергілікті маңызы бар «Жуалы-Қарашат» мемлекеттік табиғи қамалы құру жұмыстары жүргізілуде. Сондай-ақ, Қордай ауданында аумағы 369960 га құрайтын ерекше қорғалатын табиғи аумақтарды құру жұмыстары жүргізілуде.

Табиғат пайдалануды реттеу саласы

2018 жылдың 9 айында 954 мемлекеттік қызмет көрсетілді, оның 234 бас тартылды.

Қоршаған ортаға эмиссияларға рұқсаттар негізінде табиғат пайдаланушылар жергілікті бюджетке қоршаған ортаға эмиссиялар үшін төлемдерді жүзеге асырады. 2018 жылдың 9 айында 2167,554 мың теңге көлемінде төлемдер түсті.

Қазақстан Республикасы Энергетика министрлігінің стратегиялық жоспарына сәйкес Жамбыл облысына ластаушы заттардың лимиттері бекітілген: шығарындылар 122,0 мың тонна, төгінділер 24,6 мың тонна. 2018 жылдың 1 жартыжылдық есебі бойынша берілген шығарындылар лимиті 113,159 мың тонна, төгінділер лимиті 23,769 мың тонна құрады.

Бұл индикаторларды орындау мақсатында Жамбыл облысы бойынша экология департаменті мен басқарма арасында іс-шаралар жоспары әзірленіп, меморандумға қол қойылған және Жол картасы бекітілген.

«2018 жылға қоршаған ортаны қорғау саласы бойынша орталық мемлекеттік органның аумақтық құрылымы мен жергілікті атқарушы органның өзара іс-қимыл жоспары» әзірленіп, ірі кәсіпорындарға мониторинг жүргізу үшін Жамбыл облысы бойынша экология департаменті және «Казгидромет» РМК Жамбыл филиалының келісімімен мониторинг жүргізу кестесі бекітілді.

Аталған жұмыстарды жүзеге асыру мақсатында Жанатас және Қаратау қалаларының зауыттарының ластаушы заттарына мониторинг іне 232,725 мың теңге бөлінді. Тараз қаласының ірі зауыттарының шығарындыларына мониторинг жүргізу үшін 3,0 млн теңгеге бюджеттік өтініш әзірленді.

Бірлескен мониторинг нәтижелерінде анықталған экологиялық бұзушылықтарды жою мақсатында Тараз қаласының Минералды тыңайтқыштар зауытына және «Жасыл Ел-Тараз» ЖШС-не тексерулерді ашуға басқарма бастамашылық жасады.

Қатты тұрмыстық қалдықтарды басқару саласындағы атқарылған жұмыстар туралы

Қазақстан Республикасы Президентінің 2018 жылғы 10 қаңтардағы «Төртінші өнеркәсіптік революция жағдайындағы дамудың жаңа мүмкіндіктері» Жолдауын іске асыру мақсатында 2018-2022 жылдары Жамбыл облысында шағын және орта бизнес субъектілерін кеңінен тарта отырып тұрмыстық қатты қалдықтарды заман талабына сай кедеге жарату және өңдеу бойынша шаралар кешені (облыс әкімдігінің 28.08.2018 ж. №160 қаулысы) бекітілді. Жоспарға сәйкес жұмыстар атқарылатын болады.

Жобада тұрмыстық қалдықтарды бөлек жинауды, сұрыптауды енгізу, қалдықтарды орналастыратын орындарын және полигондарды қалпына келтіру, жаңа полигондарды салу, қалдықтарды өңдейтін зауыттың құрылысын салу шаралар көзделген.

Бүгінгі күні жергілікті атқарушы органдардың және квазимемлекеттік сектор субъектілерінің тұрмыстық қатты қалдықтарын басқару жөніндегі жұмыстарды ұйымдастыру және жүзеге асыру жөніндегі 2018-2020 жылдарға арналған іс-шара жоспары Тараз қаласы мен аудан әкімдерімен әзірленіп, бекітілуде.

Іс-шара жоспарында коммуналдық қалдықтардың түзілу және жинақталу нормаларын әзірлеу; полигонға/қоқыс тастайтын орынға берілген жер учаскесіне рекультивациялау жөніндегі іс-шараларды және қоршаған ортаға әсердің мониторингін жүргізу үшін жою қорын ашу; бақылау-қадағалау ұңғымалардың желесін ұйымдастыру; техникамен қамту; сұрыптау кешені/қондырғысын орнату; полигондарға және қоқыс тастайтын орындарға қоршау орнату шаралар жоспарланды.

Бүгінгі күні бұл жұмыстар пысықталуда.

Облыста қатты тұрмыстық қалдықтарды орналастыруға арналған 159 полигон және елді мекендердің қарапайым қоқыс төгу орындары белгіленген. Бүгінгі күні Қордай ауданындағы 1 полигонның (Қақпатас ауылы) қоршаған ортаға эмиссияға рұқсаты рәсімделмеген.

Барлық аудандар бойынша тұрмыстық қатты қалдықтарды жинау, әкету, кедеге жарату, қайта өңдеу және көму тарифтері, түзілу және жинақталу нормалары әзірленіп аудандық мәслихаттарымен бекітілген, ал Тараз қаласы, Т.Рысқұлов және Шу ауданының әкімдіктерімен қолданыстағы тарифтері мен түзілу және жинақталу нормаларына өзгерістер енгізілуде.

Қолданыстағы «Алди и К» және «Жасыл-Ел Тараз» ЖШС-нің полигондарын қоспағанда, елді мекендерден қатты тұрмыстық қалдықтарды орналастыруға арналған полигондары және елді мекендердің қарапайым орындары санитарлық стандарттарға және құрылыс нормаларына сәйкес келмейді. 159 полигонның 112-де қоршауы жоқ (Жуалы ауданы – 5, Меркі – 9, Т.Рысқұлов – 13, Сарысу – 22, Қордай – 21, Мойынқұм – 21, Талас – 3, Шу – 17).

Қазақстан Республикасы Экологиялық Кодекстің 300-бабының 11-тармағына сәйкес полигонның меншік иесі полигон жабылғаннан кейін жерлерді рекультивациялау жөніндегі іс-шараларды және қоршаған ортаға әсердің мониторингін жүргізу үшін тарату қорын құру қажет. Жою қоры жоқ полигонды пайдалануға тыйым салынады. Облыста (Байзақ ауданы «Алди и К», Жамбыл ауданы «Таза мекен», «Жасыл Ел-Тараз» серіктестіктері, Т.Рысқұлов ауданы Құлан а/округі) 4 полигонында жою қоры құрылған, басқа полигондарында жою қоры құрылмаған.

Бұдан басқа, қатты тұрмыстық қалдықтарды орналастыруға арналған полигондар мен қоқыс төгу орындарына берілген 19 жер учаске бойынша Қазақстан

Республикасы Жер кодексіне сәйкес құжаттары рәсімделмеген (Жуалы – 1, Қордай - 4, Меркі – 8, Сарысу – 3, Талас - 3), яғни мемлекеттік жер актілері жоқ.

Полигондар елді мекендерге қызмет көрсетуді мүмкіндігімен ірі елді мекендерде орналасқан. «Алди және К» ЖШС жеке меншігіндегі полигон Байзақ ауданының барлық елді мекенді қызметімен қамтамасыз етеді, Жамбыл ауданында Тараз қаласы маңында орналасқан ауылдық округтер қалдықтарды Тараз қаласының полигоны мен Байзақ ауданындағы полигонға, ал қалған ауылдық округтер Қаракемер ауылында орналасқан «Таза мекен» кәсіпорынның полигонына шығарады, Т.Рысқұлов ауданында 4 полигон өз қызметімен 11 елді мекенді қамтиды, Шу ауданында 1 полигон 2 елді мекенді қамтиды, Сарысу ауданында 1 полигон 2 елді мекенді, Қордай ауданында 4 ауылға 2 полигон, Жуалы ауданында 6 ауылға арналған 2 полигон, Меркі ауданында - 8 ауылға арналған 2 полигон бар. Бүгінгі күні полигондарды оңтайландыру үшін бір біріне жақын орналасқан елді мекендердің полигондарын бір жерге шоғырландыру жұмыстары жүргізілуде.

(Мойынқұм ауданы бойынша 25 елді мекенде 22 полигон және қоқыс тастайтын орындары қызметімен қамтылған, бүгінгі күні 25 елді мекенде 13 полигон жоспарланып отыр. Т.Рысқұлов ауданы бойынша 42 елді мекен 21 полигон және қоқыс тастайтын орындарымен қамтамасыз етілген, бүгінгі күні 15 полигон жоспарланып отыр. Сарысу ауданы бойынша 24 елді мекен 22 полигон және қоқыс тастайтын орындары қызметімен қамтылған, бүгінгі күні 8 полигон жоспарланды). Яғни, облыстағы 71 полигон бойынша оңтайландыру жұмыстары жүргізіліп, 36 полигонның құжаттары рәсімделеді.

Тұрмыстық қалдықтар саласындағы қызметімен айналысатын 33 кәсіпорын (оның ішінде Тараз қаласында - 21), 501 контейнерлік алаңдар 3460 дана контейнерлермен қамтылған, 124 арнайы көлік техникалар бар.

Тараз қаласында 317 контейнерлік алаңдар 1628 контейнерлермен қамтылған.

Тараз қаласында тұрмыстық қалдықтарды шығару қызметімен 6 мекеме («Жасыл Ел-Тараз», «Сұлтанқазы», «Сәрсенбай», «Нұрлы-Тараз» ЖШС, «Махмудов», «Баймұханбетов» жеке кәсіпкерлер) жалпы 150 мыңнан астам абонентпен жұмыс істейді.

Тұрғындардан тұрмыстық қалдықтарды жинау және шығару қызметі жүйелі түрде, бекітілген кестелерге сәйкес атқарылуда.

Тұрмыстық қалдықтарды бөлек жинау мақсатында, Тараз қаласының тұрғын үйлер аулаларындағы қоқыс алаңшаларында полиэтилен ыдыстарын, пластик жинау үшін («KazEcology» ЖШС және жеке кәсіпкер «Бақыт») 347 сеткалы контейнерлер орнатылған. Жиналған тұрмыстық қалдықтар пресстен өткізіп, шикізат алу үшін қайта өңдеуге жіберіледі.

Сонымен қатар, Тараз қаласында пластмасса, полиэтилен қалдықтарын, электрондық құралдар, мотор майларын, шыны, қағазды кәдеге жаратуға арналған 15 мекеме жұмыс істеуде («Шахристан», «Хастал оғлы П.М.», «Бақыт», «Танибеков», «Санит МиБ», «ХалалСауда» жеке кәсіпкерлері, «KazEcology», «Дажан», «ТаразТехноРесурс», «ТаразТеплоСтрой», «ЮгШинТорг», «ТаразПолиХим», «Айнек-Тара», «ЭкоТехСтандарт», «АклерГруппЮг» ЖШС).

2018 жылдың 9 айында 2393,2 тонна қалдық қайта өңделген (5,3%), 1520 тонна шикізат сұрыпталып қайта өңдеуге берілді.

(2017 жылы 343,6 тонна қалдықтар қайта өңделіп, 1894,9 тонна өңдеу үшін басқа ұйымдарға берілді, 1777,6 тонна шикізат сұрыпталып қайта өңдеуге берілді).

8 аудан бойынша қалдықтарды бөлек жинау мен сұрыптау жұмыстары жүргізілуде.

Байзақ ауданы бойынша «Алди и К» ЖШС-мен тұрмыстық қатты қалдықтарды, құрамында сынап бар, медициналық қалдықтарды бөлек жинап, сұрыптап, жойылады.

Жуалы ауданында барлығы 38 дана контейнер орнатылған, оның ішінде: 8 контейнер пластикалық ыдыстар тастауға арналған, 8 контейнер люминесцентті энергия үнемдейтін шамдарды жинауға арналған, тұрмыстық қалдықтарды тастайтын 22 контейнер.

Жамбыл ауданында «Таза мекен» ЖШС-сі қалдықтарды бөлек жинап, сұрыптау жұмыстарын жүргізеді.

Қордай ауданында «Экоком Инжиниринг» ЖШС-мен ағымдағы жылы өз қаражат есебінен (3,8 млн.теңге) тұрмыстық қатты қалдықтарды сұрыптау қондырғы сатып алынып іске қосу жұмыстары жүргізулуде.

Меркі ауданы – «Жасыл Меркі» ЖШС-гі полигонның аумағында пластик және темір қалдықтары, шыны сынықтары бөлек жинақталуда.

Жаңатас қаласында арнайы пластик ыдыстар, қағаз, картон жинайтын 10 дана сеткалы контейнер орнатылған, жоспарда қосымша 21 дана контейнер орнату.

Құлан ауылындағы полигонның аумағында пластик қалдықтары, шыны сынықтары бөлек жинақталуда.

Шу полигонның аумағында пластикалық ыдыстарды, шыны сынықтары бөлек жиналуда, оларды пресстеуге арналған қондырғысы орнатылған.

«Оператор РОП» (расширенные обязательства производителей) ЖШС-нің қолдауымен облыста пайдаланылған шамдар (сынапты), химиялық энергия көздері мен батареяларды жинау үшін 106 контейнер орнатылды (Тараз қаласында - 30, Байзақ - 7, Жамбыл - 8, Жуалы - 8, Қордай - 5, Меркі - 10, Т. Рысқұлов - 1, Сарысу - 12, Талас - 15, Шу - 10).

2018 жылдың 8 айында құрамында сынап бар 3667 дана шам жойылды (Байзақ ауданындағы «Алди и К» және «РБК «Строймаркет» ЖШС).

Медициналық қалдықтармен жұмыс істеу саласында жұмыс істейтін кәсіпорындармен («Санит-МиБ» ЖК, «АклерГруппЮ» ЖШС, «Алди и К» ЖШС) 90,2 тонна медициналық және биологиялық қалдықтар жойылды.

Бұдан басқа, «Промотход Қазақстан» ЖШС (Қарағанды қ.) «Оператор РОП» серіктестігімен бірге электр және электрондық жабдықтардың тұтыну қасиеттерін жоғалту нәтижесінде өндірілген қалдықтарды қайта өңдеу мақсатында Тараз қаласында 5 контейнер орнатылды, жиналған электр және электрондық жабдықтардың жинағы «Промотход Қазақстан» жауапкершілігі шектеулі серіктестігіне шығарылады.

Тұрмыстық қатты қалдықтарды көму және залалсыздандыру мәселесін шешу мақсатында облыста инвесторлар тарту жұмыстары жүргізілуде.

Бүгінгі күні Тараз қаласының әкімдігі мен Еуропалық Қайта Құру және Даму Банкі арасында Тараз қаласында қоқыс өңдейтін зауыт салу және қайталама шикізатты одан әрі шығару туралы келіссөздер жүргізілуде. Жобаның құны 5 млрд. теңгені құрап отыр.

«Қазақстан Ғарыш Сапары» Ұлттық Компаниясы» Акционерлік қоғамының жүргізілген іс-шаралар нәтижесінде облыс орталығына жақын орналасқан аудандар аумағында 268 ретсіз тасталған кездейсоқ қоқыс орындары анықталды, оның ішінде Байзақ ауданында - 91 орын, Жамбыл ауданында - 142, Жуалы ауданы - 31, және Т.Рысқұлов ауданында - 4 кездейсоқ қоқыс орын.

Ағымдағы жылдың 28 қыркүйегінде басқарма және Жамбыл облысы бойынша экология департаментінің мамандарымен GPS-навигатор арқылы нүктелер координаттарына сәйкес ретсіз тасталған кездейсоқ қоқыс орындарын анықтау үшін Т.Рысқұлов, Жамбыл, Жуалы аудандары бойынша жұмыс жүргізілді.

Басқарма тарапынан аудан әкімдіктеріне анықталған қоқыс орындары тазартылып, орындалу туралы ақпаратты және растайтын материалдарды (фото және видео есеп) ұсыну туралы тапсырма берілді.

Алдайда, тек Т.Рысқұлов және Жуалы ауданы әкімдіктері тарапынан кездейсоқ қоқыс орындары тазартылып, фотосүрет берілді.

Тұрмыстық қатты қалдықтармен жұмыс істеу кезінде Қазақстан Республикасы 2014 жылғы 5 шілдедегі № 235-V Әкімшілік құқық бұзушылық туралы кодексінің талаптарын бұзылған үшін жалпы 334 айыппұл 16,9 млн.теңгеге салынып, бүгінгі күні 268 айыппұл 13,5 млн.теңгеге игерілді (немесе 80 пайызы өңдірілді).